

Per trutgs e pitgognas dals 01-07-2011

Proposta dad Andrea Matossi

Via Engiadina: San Murezzan – Malögia

Durada: 5.40 uras
Ensi: 480 m
Engiu: 810 m

Ruta:

Staziun da muntogna da la pendiculara da signal 2130 m - staziun Suvretta 2214 m (30 min) - alp Suvretta 2190 m (25 min) – via laterala Pass dal Güglia 2140 m (1 ura) – via da pass 2020 m (30 min) - Plaz - Grevasalvas 1941 m (2.15 uras) - Blaunca 2088 m (20 min) - Plan di Zoch 1945 m - Pila 1835 m - Malögia 1803 m (40 min)

Davent da la staziun da muntogna da la pendiculara da signal maina ina via da glera cumadaivla fin tar la staziun Suvretta. Suenter 5 minutas passa ins il restaurant da terrassa El Paradiso (la suletta pussaivladad per ir en in'ustaria sin quella ruta da viandar) ed arriva, passond l'Alp Suvretta, tar in entagl da la val, nua ch'ins traversa il dutg da Suvretta.

Uss cumenza la part auta sur il lai da Champfèr: sendas graschlas tras chaglias d'izuns ed adina ils culms dal Bernina cuverts cun naiv e la cuntrada da lais fantastica avant ils eglis.

La via vegn uss pulit rubiesti cun ascender e descender il grip. Sin il mut da l'Albanatscha, tar ils foss da protecziun da l'emprima guerra mundiala, sa preschenta l'entir panorama, e prads lev spundivs envidan da far in paus. Sur pastgiras da vatgas descenda ins vinavant la Via Engiadina, che maina suenter ina curta ascensiun tar la via dal pass dal Güglia.

Sin l'autra vart da la via suonda ins la senda da viandar fin tar la puntetta, nua ch'ins entra en la zona da repaus da natira "Fratta".

Silvplauna ed il lai da Silvplauna sa chatta uss directamain sut ins. Ins sa chatta uss sin plaun istoric – gia ils Romans duvravan questa traversada tranter il pass dal Malögia ed il pass dal Güglia.

La Via Engiadina sa bassa uss sin il fund da la val da Segl, resta dentant là mo curt ed ascenda en in ziczac fin tar il Plaz, in bel punct panoramic; visavi sa chattà la renumada Val Fex.

Uss chamina ins sin la via auta enfin tar il aclaun Grevasalvas, che tutga gia tar la Bregaglia – qua è vegnì filmà il film da Heidi, perquai vegnì era numnà il vitget da Heidi. Ina senda da glera maina tras ils prads fin a Blaunca, in'ulteriura culegna d'alp. Sin sendas da prada fin a Plan di Zoch, adina en vista ils piz da la Bregaglia.

Uss cumenza la descensiun sur prads spundivs. Giusut passa ins sur ina puntetta ed arriva tar il aclaun Pila, là maina ina via sin la via principala e da maun dretg tar la fermada da la posta Malögia.

Colliaziun da val:

- Pendiculara da signal: pendiculara a San Murezzan Bogn
- Staziun Suvretta: sutgera a Suvretta
- Alp Suvretta: descensiun a Champfèr 1820 m (40 min)
- Via dal pass dal Güglia: descensiun a Silvplauna 1816 m (35 min)
- Plaz: descensiun a Segl (10 min)
- Grevasalvas: descensiun a Plaun da Lej (20 min)